



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ
ԵՎ ՍՊՈՐՏԻ ՆԱԽԱՐԱՐ

ՀՐԱՄԱՆ

No 05-ձ

07.06 2019

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ
ՍՊՈՐՏԻ ՆԱԽԱՐԱՐՈՒԹՅԱՆ ՄԱՍՍԱՅԱԿԱՆ ՍՊՈՐՏԻ ԵՎ ՖԻԶԻԿԱԿԱՆ
ԴԱՍՏԻԱՐԱԿՈՒԹՅԱՆ ՔԱՂԱՔԱԿԱՆՈՒԹՅԱՆ ՎԱՐՉՈՒԹՅԱՆ
ԿԱՆՈՆԱԴՐՈՒԹՅՈՒՆԸ ՀԱՍՏԱՏԵԼՈՒ ՄԱՍԻՆ

Հիմք ընդունելով Հայաստանի Հանրապետության վարչապետի 2019 թվականի
հունիսի 1-ի № 661-Լ որոշմամբ հաստատված հավելվածի 19-րդ կետի 7-րդ ենթակետը՝

Հ Ր Ա Մ Ա Յ ՈՒ Մ Ե Մ

1. Հաստատել Հայաստանի Հանրապետության կրթության, գիտության,
մշակույթի և սպորտի նախարարության մասսայական սպորտի և ֆիզիկական
դաստիարակության քաղաքականության վարչության կանոնադրությունը՝ համաձայն
հավելվածի:

ԱՐԱՅԻԿ ՀԱՐՈՒԹՅՈՒՆՅԱՆ

07.06.2019

X

ԱՐԱՅԻԿ ՀԱՐՈՒԹՅՈՒՆՅԱՆ

Signed by: HARUTYUNYAN ARAYIK 1209790378

Հավելված
Հայաստանի Հանրապետության
կրթության, գիտության, մշակույթի և
սպորտի նախարարի
2019 թվականի _____ -ի
N° _____ հրամանի

ԿԱՆՈՆԱԴՐՈՒԹՅՈՒՆ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ,
ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐՈՒԹՅԱՆ ՄԱՍՍԱՅԱԿԱՆ ՍՊՈՐՏԻ ԵՎ
ՖԻԶԻԿԱԿԱՆ ԴԱՍՏԻԱՐԱԿՈՒԹՅԱՆ ՔԱՂԱՔԱԿԱՆՈՒԹՅԱՆ ՎԱՐՉՈՒԹՅԱՆ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կանոնադրությամբ սահմանվում են Հայաստանի Հանրապետության կրթության, գիտության, մշակույթի և սպորտի նախարարության (այսուհետ՝ Նախարարություն) մասսայական սպորտի և ֆիզիկական դաստիարակության քաղաքականության վարչության (այսուհետ՝ Վարչություն) գործունեության նպատակները, խնդիրները, գործառույթները, կառուցվածքը, գործունեության կազմակերպումը, ղեկավարումը և համակարգումը:

2. Վարչությունը Նախարարության հիմնական մասնագիտական կառուցվածքային ստորաբաժանում է, որը բաղկացած է երկու բաժիններից.

1) մասսայական սպորտի բաժին,

2) ֆիզիկական դաստիարակության քաղաքականության բաժին:

3. Վարչությունը ենթարկվում է Հայաստանի Հանրապետության կրթության, գիտության, մշակույթի և սպորտի նախարարին (այսուհետ՝ Նախարար) և Նախարարության գլխավոր քարտուղարին (այսուհետ՝ Գլխավոր քարտուղար): Վարչության աշխատանքները համակարգում է Նախարարի համապատասխան տեղակալը:

4. Վարչությունն իր գործունեության ընթացքում ղեկավարվում է Հայաստանի Հանրապետության Սահմանադրությամբ, «Ֆիզիկական կուլտուրայի և սպորտի մասին», «Մանկապատանեկան սպորտի մասին» Հայաստանի Հանրապետության օրենքներով, Նախարարության կանոնադրությամբ, սույն կանոնադրությամբ և այլ իրավական ակտերով:

5. Վարչությունը կազմավորվում, վերակազմակերպվում և նրա գործունեությունը դադարեցվում է Հայաստանի Հանրապետության վարչապետի որոշմամբ՝ Հայաստանի Հանրապետության օրենսդրությամբ սահմանված կարգով:

6. Վարչության կանոնադրությունը (փոփոխությունները և/կամ լրացումները) հաստատում է Նախարարը:

II. ՎԱՐՉՈՒԹՅԱՆ ՆՊԱՏԱԿՆԵՐՆ ՈՒ ԽՆԴԻՐՆԵՐԸ

7. Վարչության նախարարներն են՝

1) ֆիզիկական կուլտուրայի և մասսայական սպորտի պետական քաղաքականության նպատակների և առաջնային ուղղությունների սահմանումն ու իրականացումը.

2) բնակչության առողջ կենսակերպի, ֆիզիկական դաստիարակության գիտականորեն հիմնավորված ժամանակակից համակարգի ստեղծումն ու զարգացումը.

3) ֆիզիկական կուլտուրայի և սպորտի դերի բարձրացման, անհատի բազմակողմանի ու ներդաշնակ զարգացման, բնակչության առողջության ամրապնդման, առողջ ապրելակերպի ձևավորման և ակտիվ հանգստի կազմակերպման գործին, ինչպես նաև ֆիզիկապես կոփված, կրթված և հայրենասեր սերնդի ձևավորմանն աջակցումը.

4) բնակչության ֆիզիկական դաստիարակության գիտականորեն հիմնավորված համակարգի մշակումը.

8. Վարչության խնդիրներն են՝

1) բնակչության ֆիզիկական դաստիարակության գիտականորեն հիմնավորված համակարգի գործնականում ներդնելը, հաշմանդամություն ունեցող անձանց՝ ֆիզիկական կուլտուրայով և սպորտով զբաղվելու համար նպաստավոր պայմանների ստեղծումը.

2) ֆիզիկական կուլտուրայի և մասսայական սպորտի բնագավառներում գիտամեթոդական ու հետազոտական աշխատանքների իրականացման, գիտական հետազոտությունների անցկացման ծրագրերի համադասման ապահովումը.

3) առողջ կենսակերպը նախընտրող ազգաբնակչության ակտիվ հանգստի համար նպաստավոր պայմանների ապահովմանը միտված աշխատանքների ձեռնարկումը.

4) մասսայական սպորտի և ֆիզիկական դաստիարակության քաղաքականության մշակված համակարգի հանրայնացումը, զարգացման հայեցակարգերի և նպատակային ծրագրերի կիրարկումը:

III. ՎԱՐՉՈՒԹՅԱՆ ԳՈՐԾԱՌՈՒՅԹՆԵՐԸ

9. Վարչության գործառույթներն ուղղված են սույն կանոնադրությամբ սահմանված նպատակների և խնդիրների իրագործմանը:

10. Վարչության գործառույթներն են.

1) մշակում է օրենսդրական և այլ նորմատիվ իրավական ակտերի նախագծեր, ընդհանրացնում իրավական ակտերի գործնական կիրառումն ու ներկայացնում առաջարկություններ սպորտի բնագավառում Հայաստանի Հանրապետության օրենսդրության կատարելագործման վերաբերյալ.

2) մշակում և իրականացնում է հայեցակարգեր ու պետական նպատակային ծրագրեր սպորտի բնագավառում.

3) իր իրավասության սահմաններում մասնակցում է Հայաստանի Հանրապետության պետական բյուջեի նախագծի մշակմանը.

4) իրականացնում է հանրապետությունում բնակչության ֆիզիկական դաստիարակության գործի կազմակերպման աշխատանքների մեթոդական ղեկավարումը.

5) վարում է մասսայական սպորտի աշխատանքների վիճակագրական հաշվառումը.

6) իրականացնում է մասսայական սպորտի ոլորտի քարոզչությունը.

7) ապահովում է պետական կառավարման տարածքային մարմինների հետ համատեղ մասսայական սպորտի և ֆիզիկական դաստիարակության տարածքային քաղաքականության իրականացումը.

8) աջակցում է ազգային սպորտային խաղերի տարածմանն ու զարգացմանը, սպորտաժամանցային գործունեության բազմազանության ապահովմանը.

9) մշակում է միջազգային միջգերատեսչական պայմանագրեր, օրենքով սահմանված կարգով մասնակցում է Հայաստանի Հանրապետության միջազգային պայմանագրերի մշակմանը, ապահովում է Հայաստանի Հանրապետության միջազգային պարտավորությունների կատարումն մասսայական սպորտի բնագավառում.

10) միջազգային սպորտի համագործակցության նպատակով աջակցում է հաշմանդամություն ունեցող սպորտային խմբերի և անհատ մարզիկների օտարերկրյա պետություններ գործուղմանը, աջակցում է միջազգային սպորտային համագործակցության զարգացմանը.

11) համագործակցում և մասնակցում է միջազգային սպորտային կազմակերպությունների աշխատանքներին.

12) մշակում է հանրապետական մասսայական մարզական բնույթի ծրագրեր.

13) մշակում է գիտաժողովների, համաժողովների, սեմինարների (այդ թվում՝ միջազգային) և այլ միջոցառումների կազմակերպման ծրագրեր.

14) ստեղծում և ներդնում է վարչական վիճակագրական հաշվետվությունների (հարցաթերթեր, տեղեկանքներ և այլն) վարման համակարգ ու համապատասխան ռեգիստրների միջոցով վարում ֆիզիկական կուլտուրայի և մասսայական սպորտի բնագավառներում վարչական վիճակագրությունը, իրականացնում ադապտիվ մարզական կազմակերպությունների հաշվառումը.

15) քննարկում է քաղաքացիների նամակները (դիմումներն ու բողոքները), նպաստում դրանցում արժարժված հարցերի լուծմանը.

16) ֆիզիկական կուլտուրայի և մասսայական սպորտի բնագավառներում՝

ա. վերլուծում է քաղաքականությունը, ուսումնասիրում քաղաքականության միտումները և օրինաչափությունները,

բ. մշակում է քաղաքականության ռազմավարությունը, հայեցակարգերն ու նպատակային ծրագրերը և իրականացնում դրանց մոնիտորինգ.

17) մշակում է ֆիզիկական կուլտուրայի և մասսայական սպորտի զարգացման հանրապետական նպատակային ծրագրերը և իրականացնում դրանց մոնիտորինգ:

IV. ՎԱՐՉՈՒԹՅԱՆ ԳՈՐԾՈՒՆԵՈՒԹՅԱՆ ԿԱԶՄԱԿԵՐՊՈՒՄԸ, ՂԵԿԱՎԱՐՈՒՄԸ ԵՎ ՀԱՄԱԿԱՐԳՈՒՄԸ

11. Վարչությունն իր գործունեությունն իրականացնում է Նախարարության հաստիքացուցակով նախատեսված կազմով:

12. Վարչության ընթացիկ գործունեությունը կազմակերպում, ղեկավարում և համակարգում է Վարչության պետը, որն անմիջական հաշվետու է Նախարարին, հաշվետու է Գլխավոր քարտուղարին:

13. Վարչության պետի և Վարչության աշխատողների աշխատանքի կազմակերպման և ղեկավարման պատասխանատվության, որոշումներ կայացնելու լիազորությունների, շփումների և ներկայացուցչության, խնդիրների բարդության և դրանց ստեղծագործական լուծման, գիտելիքների և հմտությունների, իրավունքների և

կապված դրույթները սահմանվում են քաղաքացիական ծառայության պաշտոնների անձնագրերով: